



ՀԱՍՏԱՏՈՒՄ ԵՄ՝

Շրջակա միջավայրի նախարարի
պարտականությունները կատարող
Արամ Մեյմարյան

«13» 10 2025 թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ N 237 - 25

Նախաձեռնող՝

«Աշտարակի աղբահանության և սանիտարական մաքրում»
համայնքային հիմնարկ
ք. Աշտարակ, Ներսես Աշտարակեցու հր. 7

Գործունեությունը՝

Աշտարակ համայնքի աղբահանության տեխնիկական
միջոցների վերազինում
Արագածոտնի մարզ

Առդիր՝ 5 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅՈՒՆ

ԲՓ № 237 - 25

«13» 10 2025թ.

**Արագածոտնի մարզի Աշտարակ համայնքի աղբահանության տեխնիկական
միջոցների վերազինման շրջակա միջավայրի վրա ազդեցության
գնահատման հաշվետվություն**

Նախաձեռնող՝	«Աշտարակի աղբահանություն և սանիտարական մաքրում» համայնքային հիմնարկ
Փաստաթղթի տեսակը՝	Շրջակա միջավայրի վրա ազդեցության գնահատման հաշվետվություն, նախագիծ
Գործունեության կատեգորիա՝	«Ա» կատեգորիա
Տեղադրման վայրը՝	Արագածոտնի մարզ, Աշտարակ համայնք, համայնքի 28 բնակավայրեր

Ներածական մաս. «Աշտարակի աղբահանություն և սանիտարական մաքրում» համայնքային հիմնարկի /այսուհետ՝ Հիմնարկ/ կողմից ներկայացված գնահատման հաշվետվությամբ նախատեսվում է Արագածոտնի մարզի Աշտարակ համայնքի և 28 բնակավայրերի աղբահանության տեխնիկական միջոցների վերազինում:

Հիմնարկը Արագածոտնի մարզի Աշտարակ համայնքում և բնակավայրերում իրականացնում է կոշտ կենցաղային աղբի հավաքում և տեղափոխում Սասունիկի աղբավայր: Այս գործունեությունն իրականացվել է տասնամյակներ ի վեր, սակայն գործունեության համար օգտագործվող տեխնիկական միջոցները հնացել են և համայնքապետարանը որոշում է կայացրել վերազինել տեխնիկական պարկը՝ գնելով նոր աղբատար մեքենաներ և աղբարկղեր:

«Շրջակա միջավայրի վրա ազդեցության գնահատման և փորձաքննության մասին» օրենքի 12-րդ հոդվածի 3-րդ մասի 6-րդ կետի «ա» ենթակետի համաձայն՝ վտանգավոր թափոնների հավաքումը հանդիսանում է Ա կատեգորիայի գործունեության տեսակ:

Նկարագրական մաս. Գեոմորֆոլոգիական տեսակետից սպասարկվող տարածքները գտնվում է Արագած լեռան ստորին լանջերին՝ Քասախ գետի ափին, ծովի մակերևույթից 1100 մ բարձրության վրա, Արարատյան դաշտի և Արագածի լեռնազանգվածի կենտրոնում, Երևան քաղաքից 13 կմ հյուսիս-արևմուտք:

Աշտարակ համայնքին բնորոշ է չոր ցամաքային կլիման: Հուլիսին օդի միջին ջերմաստիճանը կազմում է 25.2°C: Առավելագույն ջերմաստիճանը հասնում է 41.2°C, իսկ նվազագույն ջերմաստիճանը հասնում է - 24.5°C-ի:

Աշտարակի տարածքի երկրաբանական կտրվածքում մասնակցում են չորրորդականի հասակի լավաները, որոնք հիմնականում մերկանում են Քասախ գետի կիրճում: Մնացած հատվածներում նրանք ծածկված են ոչ մեծ հզորության ժամանակակից աղակազմներով,



որոնք ներկայացված են ավագակավերով, կավավազներով, խճային գրունտներով և գետի հունային մասերում գլաքարաճալաքարային նստվածքներով:

Աղբահանության տարածքները գտնվում են Աշտարակ համայնքի և բնակավայրերի բնակեցված և կառուցապատված գոտում, աղբամանները և աղբարկղերը տեղադրված են բնակավայրերի ասֆալտապատ տարածքներում:

Համաձայն ՇՄԱԳ-ի՝ բնակավայրերում աղբը հավաքվում է աղբարկղերում և աղբամաններում և, ըստ կուտակման տեղափոխվում է աղբավայր: Աղբի հավաքման որոշակի ժամանակացույց չկա: Աղբի կանոնակարգված տեսակավորում չի կատարվում, բնակիչները հաճախ առանձնացնում և հանում են մետաղներ, որոշ պլաստիկ իրեր:

№	Բնակավայր	Աղբի մոտավոր օրական ծավալը, մ ³
1	Աշտարակ	70 - 72
2	Ագարակ	1.5 - 2.0
3	Աղծք	0.6 - 0.8
4	Անտառուտ	0.5 - 0.6
5	Ավան	0.5 - 0.6
6	Արագածոտն	1.2 - 1.4
7	Արուն	0.8 - 1.0
8	Արտաշավան	1.0 - 1.2
9	Բազմաղբյուր	0.7 - 0.8
10	Բյուրական	1.2 - 1.4
11	Լեռնարոտ	0.8 - 1.0
12	Կարբի	1.2 - 1.5
13	Կոշ	1.2 - 1.5
14	Ղազարավան	0.7 - 0.8
15	Նոր Ամանուս	0.8 - 0.9
16	Նոր Եղեսիա	1.2 - 1.4
17	Նոր Երզնկա	1.0 - 1.2
18	Ոսկեհատ	1.2 - 1.4
19	Ոսկեվազ	1.5 - 1.8
20	Սաղմոսավան	1.2 - 1.4
21	Սա	1.0 - 1.2
22	Տեղեր	0.6 - 0.8
23	Ուշի	1.0 - 1.2
24	Ուջան	1.5 - 1.8
25	Փարպի	1.2 - 1.5
26	Օհանավան	1.5 - 2.0
27	Օշական	1.8 - 2.0
28	Օրգով	1.0 - 1.2

Հավաքվող աղբը հանդիսանում է կոշտ կենցաղային աղբ: Այս տեսակի աղբը գործնականում բոլոր քաղաքային բնակավայրերում ունի նույնանման կազմը, որի հիմնական բաղկացուցիչ խմբերն են՝ սննդային մնացորդներ, թուղթ և ստվարաթուղթ, պլաստիկ նյութեր, ապակի, սև և գունավոր մետաղներ, գործվածքեղեն և այլն:

Համաձայն ՇՄԱԳ-ի՝ համայնքներից շինարարական աղբ, խոշոր եգրաչափերի թափոն չի հավաքում, կազմակերպության տարածքներից աղբ չի տեղափոխում:

Աղբի հավաքումն իրականացվում է Աշտարակ համայնքում և 28 բնակավայրերում տեղադրված տարբեր չափերի շուրջ 300 աղբամաններից և աղբարկղերից: Համայնքային հիմնարկն աղբի հավաքման համար տվյալ պահին օգտագործում է առկա 29 տեխնիկական



միջոցներ՝ աղբահավաք մեքենաներ, ինքնաթափ մեքենաներ: Ընկերության անձնակազմը բաղկացած է 95 հոգուց:

Տարեկան աշխատանքային օրերի և ժամերի թիվը՝ 310 օր/տարի, 8 ժամ/օր: Աղբի օրական հավաքվող և տեղափոխվող քանակները 105 խմ է: Աղբն աղբամաններից բարձվում է աղբատար մեքենաներ և անմիջապես տեղափոխվում է Սասունիկի աղբավայր:

Սասունիկի աղբավայրի կազմակերպման նախագծին շրջակա միջավայրի նախարարության կողմից՝ 2022 թվականին տրվել է թիվ 0201-22 դրական փորձաքննական եզրակացություն, այն շահագործվում է «Էկո կենտրոն» ՍՊԸ-ի կողմից:

Սասունիկի աղբավայրը գտնվում է Աշտարակից 9 կմ, Սասունիկ համայնքից 4 կմ և Երևանից 10 կմ հեռավորության վրա: Աղբավայրը նախատեսված է կոշտ կենցաղային թափոնների պահեստավորման, մեկուսացման և հեռացման /թաղման/ համար՝ ապահովելով հողի, մթնոլորտի, մակերևութային և ստորերկրյա ջրերի աղտոտումից պաշտպանությունը, կանխելով պաթոգենների, կրծողների և միջատների տարածումը: Աղբավայրում ընդունվում է բնակչության կողմից սպառման գործընթացում բնակելի տարածքներում առաջացած, սանիտարական մաքրման արդյունքում, իրավաբանական անձանց և անհատ ձեռնարկատերերի գործունեության ընթացքում առաջացած թափոնները, որոնք բաղադրությամբ նման են կոշտ կենցաղային թափոնների:

Աղբավայրի թափոնների պահեստավորման տարածքը կազմում է 8 հա, որից շահագործվում է 4 հա-ը (10%-ը տնտեսական գոտի, իսկ 10 %-ը հողի պահեստավորման գոտի): Գրունտային ջրերը գտնվում են 25 մետր խորության վրա, թափոնների թաղման տարածքը կավային է և ունի 2.0-3.5 մետր հզորություն, տեղադրման տարածքի փոսի խորությունը 6-10 մետր:

Աղբահավաքումը կատարվում է 29 աղբահավաք մեքենաների միջոցով: Որպես վառելիք այս տրանսպորտային միջոցներն օգտագործում են գազ և դիզելային վառելիք: Աղբավայրը համալրված է աղբի ընդունման, տեղադրման և ծածկման համար անհրաժեշտ տեխնիկական միջոցներով՝ բուլդոզեր, տրակտոր, բեռնատար ավտոմեքենաներ և այլն:

Աղբավայրը նախատեսված է 25 տարի ժամանակով, օրական 10-30 տոննա կենցաղային և սանիտարական մաքրման արդյունքում առաջացած թափոնների ընդունման և պահեստավորման /թաղման/ համար: Աղբավայրում կատարվում են թափոնների տեղադրում և տոփում երկու հարկաբաժիններով, յուրաքանչյուր հարկաբաժինը 2.5 մ բարձրությամբ: Յուրաքանչյուր 1 մետր հաստությամբ տոփանված թափոնները մեկուսացվում են 0.25-0.30 սմ հաստությամբ հողաշերտով: Աղբավայրն ունի մուտքի և ելքի հսկիչ կետ, մեքենաների անիվների ախտահանման կետ, որտեղ մեքենաների ելքի դեպքում կատարվում է անիվների պարտադիր ախտահանում:

Համաձայն ՇՄԱԳ հաշվետվության աղբի հավաքման ժամանակ տեղում իրականացվում է նաև աղբամանների շրջակայքում թափված աղբի հավաքում, անհրաժեշտության դեպքում կատարվում է աղբամանների ախտահանում հատուկ փրփռային նյութերով՝ որպեսզի չառաջանա արտահոսք:

Վերազինման շրջանակներում նախատեսվում է փոխարինել բոլոր հնացած և աղբահավաքման համար հատուկ հանգույցով չհամալրված մեքենաները, ինչպես նաև փոխարինել վնասված աղբարկղերը:

Նախատեսվում է գնել 16 MA3 մակնիշի աղբատար մեքենաներ: Հիմնարկի հաշվեկշռում առկա 300 աղբամաններից մոտավորապես 40-50 հատը կողոպտվել են իրենց պիտանելիությունը: Նախատեսվում է ձեռք բերել 70 նոր աղբարկղ, ինչը թույլ կտա փոխարինել վնասվածները, ինչպես նաև ընդլայնել աղբահավաքման տարածքները:



Աղբահանության ընթացքում ազդեցությունը կապված է աղբամանների և աղբարկղերի սպասարկման, աղբի բարձման և տեղափոխման ժամանակ ավտոտրանսպորտային միջոցների շահագործման աշխատանքների հետ:

Աղբավայրի շահագործման ընթացքում օդային ավազանի վրա ազդեցությունը պայմանավորված է ավտոտրանսպորտային միջոցների կողմից վառելիքի օգտագործման արդյունքում առաջացող արտանետումներով:

Թափոնների դասակարգումը կատարվում է՝ համաձայն ՀՀ բնապահպանության /ներկայում՝ շրջակա միջավայրի/ նախարարի 25 դեկտեմբերի 2006 թվականի «Ըստ վտանգավորության դասակարգված թափոնների ցանկը հաստատելու մասին» N 430-Ն հրամանի: Հրամանի հավելվածում բերված ցանկն իր բոլոր լրացումներով պարունակում է մոտավորապես 1000 անվանում /թափոնատեսակ/, որոնցից առնվազն կեսը կարող են հանդիպել կոշտ կենցաղային թափոններում:

Հաշվետվությունում ներառված է զրոյական և այլընտրանքային տարբերակների նկարագրությունը, ընտրված տարբերակի հիմնավորումը:

Համաձայն ՇՄԱԳ հաշվետվության՝ Աշտարակ համայնքում և բնակավայրերում աղբի հավաքման ընթացքում շրջակա միջավայրի վրա բացասական ազդեցությունը կանխարգելելու և մեղմելու նպատակով մշակվել են ազդեցության նվազեցման միջոցառումներ: Միջոցառումների նկարագրությունը, կատարողները և նախատեսված ծախսերը ներկայացված են բնապահպանական կառավարման պլանում: Միջոցառումների կատարումը և արդյունավետությունը վերահսկելու կարգը, դրանց կատարման պատասխանատուները և իրականացման ժամկետները ներառված են մոնիթորինգի պլանում, որոնք են՝

- թափոնները բեռնել առանց շրջակայքի աղբոտման,
- օգտագործել աղբահավաքման համար նախատեսված կոնտեյներներով աղբահանման մեքենաներ,
- պարբերաբար իրականացնել աղբատար մեքենաների ստուգում, շարժիչների կարգաբերում և անհրաժեշտության դեպքում՝ վերանորոգում,
- ապահովել բոլոր մեքենաների անիվների և թափքերի մաքրումը հատուկ փրփռային միջոցներով, որոնցից չի առաջանում ջրային արտահոսք,
- աղբամանների և աղբարկղերի ախտահանումը կատարել հատուկ ախտահանիչ փրփուրների միջոցով,
- սպասարկող անձնակազմին ապահովել անհատական պաշտպանման միջոցներով, իրականացնել անձնակազմի ուսուցում աշխատանքի անվտանգության հարցերով,
- փակցնել և կիրառել մեքենաների արագության սահմանափակումներ մեքենաների երթևեկությունից առաջացող փոշու նվազեցման համար,
- մշակել երթևեկության կառավարման պլան երթևեկության սահուն հոսքը և երթևեկության անվտանգությունն ապահովելու նպատակով և այլն:

Բնապահպանական միջոցառումների համար նախատեսվում է տարեկան հատկացնել 260 ՀՀ հազ. դրամ/տարի:

Պատճառաբանական եզրահանգումներ. համաձայն ՇՄԱԳ հաշվետվության՝ Արագածոտնի մարզի Աշտարակ համայնքի աղբահանության տեխնիկական միջոցների վերազինումը և շահագործումը կատարվելու է գործող օրենսդրության և նորմատիվատեխնիկական փաստաթղթերի պահանջներին համապատասխան: Շրջակա միջավայրի բաղադրիչների վրա հնարավոր բացասական ազդեցությունները չունենու են աղբահանության ժամանակ, կրելու են տեղային բնույթ:



Հաշվետվությամբ ներկայացված գործունեությունը ներառում է միայն գոյացող աղբի հավաքում աղբամաններում և փոխադրում՝ առանց դրանց տեսակավորման ու փոխադրման, աղբի վերաօգտագործման, օգտահանման, վերամշակման և վնասագերծման գործընթացների:

Փորձաքննական գործընթացին ներգրավվել են շրջակա միջավայրի նախարարության ստորաբաժանումները, առողջապահության, տարածքային կառավարման և ենթակառուցվածքների, ներքին գործերի, կրթության, գիտության, մշակույթի և սպորտի նախարարությունները, քաղաքաշինության կոմիտեն, կադաստրի կոմիտեն Արագածոտնի մարզպետարանը, Աշտարակի համայնքապետարանը, շահագրգիռ հանրությունը:

Փորձաքննական գործընթացում կատարվել է հաշվետվության լրամշակում, որտեղ հաշվի են առնվել ներկայացված առաջարկություններն ու դիտողությունները:

Օրենսդրությամբ սահմանված կարգով՝ գնահատման և փորձաքննության ընթացքում Արագածոտնի մարզի Աշտարակի համայնքապետարանում իրականացվել են հանրային լսումներ, ինչի ընթացքում հանրությունը դրական է արտահայտվել նախատեսվող գործունեության վերաբերյալ:

Կատարված ուսումնասիրությունները ցույց են տալիս, որ նախատեսվող գործունեության իրականացման տարածքներում լանդշաֆտի, բուսական ու կենդանական տեսակների, հողային և ջրային ռեսուրսների վրա վնասակար ազդեցություններ չեն ակնկալվում:

Նախատեսվող գործունեության իրականացման արդյունքում ակնկալվում են համայնքում և բնակավայրերում աղբահանության և սանիտարահիգիենիկ պայմանների բարելավվում:

Փորձաքննական պահանջներ

- Գործունեության իրականացման ընթացքում անհրաժեշտ է հետևել գնահատման հաշվետվությամբ ամրագրված բնապահպանական միջոցառումների կատարմանը, ժամանակացույցին, իսկ դրանց չբավարարման դեպքում նախատեսել լրացուցիչ միջոցառումներ՝ ուղղված բնապահպանական նորմերի պահպանմանը:

- Հնարավորության դեպքում դիտարկել աղբի տեսակավորման աղբամանների և աղբարկղերի տեղադրում՝ Սասունիկի աղբավայրի ծանրաբեռնվածությունը մեղմելու նպատակով:

ԵԶՐԱՓԱԿԻՉ ՄԱՍ

«Աշտարակի աղբահանություն և սանիտարական մաքրում» համայնքային հիմնարկի կողմից ներկայացված՝ Արագածոտնի մարզի Աշտարակ համայնքի աղբահանության տեխնիկական միջոցների վերազինման շրջակա միջավայրի վրա ազդեցության գնահատման հաշվետվությանը տրվում է պետական փորձաքննական դրական եզրակացություն՝ փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի տնօրենի պարտականությունները կատարող՝



Հերիքնազ Մկրտչյան

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի գլխավոր մասնագետ՝

Արմինե Վարդանյան